



Laapi keerrivriehti

Virgeomâhâšpostâ muttoo digitallâžžân:

Tunjin šadda kiävtun šleđgâhâmásâš postâloová, ko tubdâttâđah virgeomâhái šleđgâhâmásijd ášástállâmpalvâlussáid

Virgeomâhâšpoostâ vuástávâldim muttoo vuosâsajasávt digitallâžžân. Ko tun tubdâttâđah 14.4.2026 tâi tast maŋa vuossâmuu tove virgeomâháá šleđgâhâmásii ášástállâmpalvâlusân, te tun stivrejuuh väldiđ Suomi.fi-viestâid kiävtun. Puátteevuodâst tun finniih toho poostâ maanġâin virgeomâháin. Suomi.fi-viestah puátá virgeomâháin puáttee pááppárpoostâ sajan: siämmáš äšši ij puádi innig maŋeláá reivân pááikán.

Cuánjuimáánu 2026 pelimuudoost ovdâskulij vist tun stivrejuuh njuolgist väldiđ Suomi.fi-viestâid kiävtun tubdâttâttâm ohtâvuodâst, jis palvâlus ij lah tust vala kiävtust. Kiävtun vâldim váátá tust jieijâd tooimâid, já tot ij tábâhtuu tuu huámmášhännáá.

Maht já kiäs Suomi.fi-viestah šadda kiävtun?

- Suomi.fi-viestah šadda tunjin kiävtun, jis tun lah olesahasâš já tust ij lah vala Suomi.fi-viestah kiävtust.
- Tun stivrejuuh väldiđ Suomi.fi-viestâid kiävtun, ko tubdâttâđah nanosávt monnii almos haldâttuv ášástállâmpalvâlusân ađai kiävtáh tubdâttâttmist Suomi.fi-tubdâm.
- Almoot kiävtun vâldim ohtâvuodâst jieijâd šleđgâpostâčujottâs já naanood tom. Tánávt tun finniih jieijâd šleđgâpoostân almottâs ain, ko tunjin lii puáttám uđđâ postâ Suomi.fi-viestâid.
- Šleđgâpoostâ almottem maŋa tun juáđháh tubdâttâttâm táválávt já sirduuh ášástállâmpalvâlusân, moos lijji monâmin.
- **Huámmáš, et jis tun ášástâlah organisaatio tâi nube ulmuu peeleeest**, te Suomi.fi-viestah puátih kiävtun tunjin olssâđ– ij ton ulmui tâi organisaation, mon peeleeest lah monâmin ášástállâđ.

Jis tun jieih keevti almos haldâttuv šleđgâhâmásijd ášástállâmpalvâlussáid, te nubâstus ij vaaigut tunjin, já tun finniih puátteevuodâst-uv virgeomâhái vuolgâttem poostâ pááppárpostân.

Nubâstus ij meidgin kuoská vyeliahasijd, hiäđukocceem vuálásâžžân leijee ulmuid ige toid ulmuid, kiäin lii vyeimist orroo hiäđukocceemvalduuttem.

Návt tun stivrejuuh väldiđ Suomi.fi-viestâid kiävtun, ko tubdâttâđah almos haldâttuv šleđgâhâmásijd palvâlussáid:

Postiosoite

Valtakatu 17 / Valtakatu 39
96200 Rovaniemi / 94100 Kemi

Puhelin

029 56 50100

Telefax

029 56 50129

Sähköposti

lappi.ko@oikeus.fi



Laapi keerrivriehti



Keejâ meid ravâvideo Suomi.fi-viestâi kiävtust vâldimist:

<https://dreambroker.com/channel/vyve3x7x/dt4ebh0/>

Maht tun peesah luuhâđ Suomi.fi-viestâid puättâm viestâid?

- Tun puávtâh luuhâđ viestâid Suomi.fi-moobilheiviittâssâin tâi tubđâttâtmâin Suomi.fi-viermipalvâlusân já sirduumâin tobbeen sajan "Viestit" (Viestah).
- Tubđâttâttâm tâbâhtuvâ paŋkkitubdâlduvâiguin, moobilnanodâssâin tâi persovnkoortâ šledgâhamâsijn nanodâssâin.
- Tun finniih almottâs jieijâđ šledgâpoostân ain, ko tunjin puátâ Suomi.fi-viestâid uđđâ viestâ.
- Tun finniih almottâsâid puättâm viestâin meid Suomi.fi-moobilheiviittâssâst, jis tun lah luodim heiviittâs kiävtun.

Haliđdah-uv virgeomâhâšpoostâ puátteevuodâst-uv pááppârpostân?

Tun puávtâh valjiđ, et virgeomâhái vuolgâtem reeivah toimâttuvvojuh tunjin puátteevuodâst-uv pááppârhâämist. Valjim pááppârpoostâ vuástâvâldimist piso vyeimist ucemustâá ive. Ko ive maŋa tun tubđâttâđah čuávuvâá tove monnii virgeomâháá ášâstállâmpalvâlusân, te tun stivrejuuh oppeet vâldiđ Suomi.fi-viestâid kiävtun. Jis tun jieh tubđâttâ, te virgeomâhâšpostâ puátâ tunjin pááppârpostân meid ive meriäägi maŋa.

Tooimâ návt, jis haliđdah maccâđ pááppârpoostâ vuástâvâlden:

1. Vâaldi Suomi.fi-viestâid kiävtun, ko tubđâttâđah virgeomâháá viermipalvâlusân. Tun puávtâh maccâđ pááppârpoostâ vuástâvâlden eskin ton maŋa.
2. Sirduu Suomi.fi-viestâid čujottâssân suomi.fi/viestit.

Postiosoite

Valtakatu 17 / Valtakatu 39
96200 Rovaniemi / 94100 Kemi

Puhelin

029 56 50100

Telefax

029 56 50129

Sähköposti

lappi.ko@oikeus.fi



Laapi keerrivriehti

3. Tubdättät palvâlusân paŋkkitubdâlduvâiguin, moobilnanodâssâin tâi persovnkoortâ nanodâssâin.
4. Sirduu valjiittuvâst sajan "Asetukset" (Asâttâsah) já valjii "Lopeta Suomi.fi-viestien käyttö" (Jooskâ Suomi.fi-viestâi kevttim).

Táárbu mielđ tun finniih iše meid Digi- já aalmugtiätuvirgâduv äššigâspalvâlusâst (p. 0295 000).

Jis tuu kiävtust lii Suomi.fi-moobilheiviittäs, te huámmâš, et

- tuše heiviittäs meddâlistem ij meddâlist Suomi.fi-viestâid tuu kiävtust
- palvâlus kiävtust meddâlistem kalga ain porgâđ Suomi.fi-viestâi asâttâsâin.

Lasetiäđuh

Lasetiäđuh Suomi.fi-viestâin: <https://suomi.fi/fi/viestah>

Ravâvideo: Návt tun váaldáh Suomi.fi-viestâid kiävtun tubdättâttâm ohtâvuodâst:
<https://dreambroker.com/channel/vyve3x7x/dt4ebhol>

Lasetiäđuh Suomi.fi-tubdâmist: <https://suomi.fi/ohjeet-ja-tuki/tunnistus/mika-on-suomifi-tunnistus>

Suomi.fi-viestâid poostâ vuolgâtteijee organisaatioh: <https://suomi.fi/ohjeet-ja-tuki/viestit/suomifi-viesteja-kayttavat-organisaatiot-ja-palvelut>

Návt tun meddâlistáh Suomi.fi-viestâid kiävtust: suomi.fi/ohjeet-ja-tuki/viestit/viestien-kaytto/viestien-kayton-lopettaminen

Mii lii Suomi.fi-viestah?

Suomi.fi-viestah lii tiätutorvolâš šleđgâhâmâsâš postâloovâ, mii šadda pááppárpostân puáttee virgeomâhâšpoostâ sajan. Palvâlus kevttih maangah virgeomâhááh, já meeri lassaán ovtuu. Puáttâm viestâid puáhtâ luuhâđ Suomi.fi-moobilheiviittâssâin tâi tubdättâtmâin Suomi.fi-viermipalvâlusân čujottâsâst suomi.fi. Tánávt puáttâm postâ lii luuhâmnâál jyehi saajeest, kost peri tun jođáh.

Suomi.fi-viestâid finnee kiävtun luođiimâin Suomi.fi-moobilheiviittäs tâi tubdättâtmâin čujottâsâst suomi.fi/viestit. Tubdättâttâm tábáhtuvâ paŋkkitubdâlduvâiguin, moobilnanodâssâin tâi persovnkoortâ šleđgâhâmâsâijn nanodâssâin. Vâldimâin Suomi.fi-viestâid kiävtun finnee puátteevuodâst meid maangâi jieškote-uv virgeomâhái vuolgâtttem poostâ šleđgâhâámist.

Almottâsah uđđâ puáttâm viestâin puátih ton šleđgâpostâčujottâsân, mon kevttee lii almottâm palvâlusân. Suomi.fi-moobilheiviittäs kevtteeh finnejeh almottâs meid njuolgist heiviittäs peht.

Njuhčâmâánust 2026 Suomi.fi-viestâid kevttii jo paijeel 2,6 miljovn olmožid.

Lasetiäđuh Suomi.fi-viestâin: suomi.fi/ohjeet-ja-tuki/viestit

Maid uáivild digitallii virgeomâhâšviestâdmân sirdum?

Virgeomâhâšpoostâ digitallii vuosâsajasâšvuotân kyeskee lahâasâtttem šadda vuáimán 14.4.2026. Tast maŋa virgeomâhâšpostâ toimâttuvvoo vuosâsajasâvt digitallávt puohháid, kiáh ášâsteleh šleđgâhâmâsâvt. Virgeomâhái šleđgâhâmâsâjđ ášâstâllâmpalvâlussâid čáládettee olesahasiih ulmuuh stivrejuvvojeh tubdättâttâm ohtâvuodâst vâldiđ Suomi.fi-viestâid kiävtun, jis palvâlus ij lah jo ovdiist kiävtust.

Postiosoite

Valtakatu 17 / Valtakatu 39
96200 Rovaniemi / 94100 Kemi

Puhelin

029 56 50100

Telefax

029 56 50129

Sähköposti

lappi.ko@oikeus.fi



17.4.2026

Laapi keerrivriehti

Toh, kiäh iä keevti virgeomâháí digipalvâlusâid, finnejeh puátteevuođâst-uv virgeomâhášpoostâ pááppárhäämist, peic jis jiejah väljejeheresnáál. Šleđgâhámásij viestâi vuástávâldim puáhtá meid koskáldittiđ, já talle viestah vuolgáttuvvojeher oppeet pááppárpostân. Jis olmooš, kote lii valjim pááppárpoostâ, juátká šleđgâhámásii ášástállâm, te sun stivrejuvvoov 365 peeivi maŋa uđđâsist váldiđ Suomi.fi-viestâid kiävtun, ko sun čuávuváá tove tubdättât monnii virgeomâháá šleđgâhámásii ášástállâmpalvâlusân.

Sirdum digitallii viestâdmân puáhtá merhâšittee hiäđuid. Tot šiaštá ohtsâškode ruuđâid luuvijđ miljovnijđ euroid ivveest já taha aalmugjesânij eellim älkkeebin. Virgeomâháí vuolgâtem reevah láá jotelávt finnimnáál, kávnnojeher oovtá saajeest já láá ain kevttimnáál.

Ko lahâasâtem lii šoddâm vuáimán, te virgeomâhášpostâ toimáttuvvoov vuosâsajasávt Suomi.fi-viestâid puohháid, kiäh ášásteleh šleđgâhámásávt. Suomi.fi-viestâi lasseen aalmugjesânâid puáhtá ain-uv puáttiđ postâ virgeomâháin meid eres digitallijđ oolijđ, jis olmooš lii váldám taid kiävtun.

Maŋeláá ive 2026 ääigi lii ulmen, et olmooš puávtáččij valjiđ virgeomâhášpoostâ vuástávâldimsaijeen Suomi.fi lasseen meid monnii eres digipostâpalvâlus, mii tiävdá virgeomâháá viestâjoođeetmân asâttum tiätutorvo- já eres vátámušâid. Valjimrijjâvuođâ vaattâm lahâasâtemnubâstusah já teknisiih nubâstusah láá eidu tääi valmâštállâmnáál.

Luvvá lase: dvv.fi/digi-ensin-hanke

Postiosoite

Valtakatu 17 / Valtakatu 39
96200 Rovaniemi / 94100 Kemi

Puhelin

029 56 50100

Telefax

029 56 50129

Sähköposti

lappi.ko@oikeus.fi